

Al tapé

Testo e musica: Luca Maurizio - Tempo: 92

Intro e Ritornello: G / C / D / G

Quista l'é la storia dal tapé,
al tapé c'al viagia mia e pé.
Al sgola tanco ün aeroplano,
sü'nt al ceil cun i ucei.

Strofa: am / em / am / em / bm / am / C / B7

Al sgola vers i vulcani da l'Italia,
forsi fin giò di canguri da l'Australia,
e dopo anca, anca pü dalonc,
e nagiün al sa incur ca's tornaraa indree...

Iss al sgola tra lan ombra da la seira,
sur lan nüvla, vers lan steila,
ma dopo ca sü la lüna i avean mangaa la cena,
i sen nacurgüü ca'l vea sciünaa la benzina e ch'i nu füssan pü
turnaa indree...
...poar tapé...

Intro e Ritornello: G / C / D / G

Quista l'é la storia dal tapé,
al tapé ca issa l'é e pé.
Iss i grignan tuc là sü la lüna,
senza saveir incusa turnär indree.

Strofa: am / em / am / em / bm / am / C / B7

Ma pö ent ün polvrun ün UFO viola l'é aterraa
e l'é gni or riand ün omin vert c'ai à dumandaa:
„Ma ualtri vé ün tapé ca'l va anca e benzina?
Iss ca ent l'univers tuc i viagian cul sul?”

Tuci i l'àn pragaa: „As pudessat mia giüdär?”
L'omin l'à dicc: „Mia benzina, ma vargót ie'v vöi där...
le'v ragal quatar pannelli solari,
inscia ca pudé turnär sül pianeta d'i mär!”

Intro e Ritornello: G / C / D / G

Quista l'é la storia dal tapé,
al tapé ca nu'l resta pü e pé,
parcé issa al sgola doma cul sul,
sü'nt al ceil cun i ucei.

Quista l'é la storia dal tapé,
al tapé ca nu'l resta pü e pé,
iss lé stancal dal lungh viaggiär
e nualtri 'm al lascia durmir in päsc.